

menna, nr. 58/1992, með síðari breytingum, staðfestist hér með til þess að öðlast gildi þegar í stað.

Félagsmálaráðuneytinu, 15. október 1998.

Páll Pétursson.

Þorgerður Benediktsdóttir.

16. október 1998

Nr. 622

REGLUR

um ferðastyrk sjúklinga vegna brýnnar sjúkdómsmeðferðar erlendis.

1. gr.

Réttur til ferðastyrks.

Tryggðir sjúklingar, sem nefnd skv. 35. gr. laga um almannatryggingar hefur metið að brýn nauðsyn sé að njóti sjúkdómsmeðferðar erlendis, skulu eiga rétt á ferðastyrk skv. reglum þessum, sbr. þó reglur um þátttöku í kostnaði við glasafrjövgun erlendis. Heimilt er að greiða ferðastyrk að hluta eða að fullu skv. reglum þessum fyrir aðra tryggða sjúklinga sem af ótvíræðri nauðsyn leita sjúkdómsmeðferðar erlendis.

2. gr.

Fargjald.

Fargjald er greitt að fullu báðar leiðir milli Íslands og þess staðar þar sem meðferð er fyrirhuguð.

3. gr.

Fylgdarmaður.

Greiða skal ferðastyrk fyrir fylgdarmann sjúklings ef sjúklingur er innan 18 ára aldurs, ósjálfbjarga eða mjög mikil áhætta fylgir meðferð/ferðalagi. Við sérstakar aðstæður getur verið nauðsynlegt að fylgdarmaður sé heilbrigðisstarfsmaður. Að jafnaði skal einungis greitt fyrir einn fylgdarmann, en ef læknisfræðilegar ástæður krefjast þess að heilbrigðisstarfsmaður fylgi sjúklingi er heimilt að greiða fyrir tvo fylgdarmenn. Þetta á aðallega við ef sjúklingur er yngri en 18 ára. Ef um er að ræða erfiða sjúkdómsmeðferð vegna lífshættulegs sjúkdóms er þó heimilt að greiða ferðastyrk fyrir báða foreldra (eða tvo nánustu aðstandendur) ef sjúklingur er innan 18 ára aldurs.

Ef sjúklingur sem fengið hefur samþykktu fylgd verður að dveljast erlendis a.m.k. sex vikur er heimilt að greiða ferðastyrk vegna mánaðarlegra skipta á fylgdarmanni.

4. gr.

Uppihaldskostnaður.

Nauðsynlegur uppihaldskostnaður sjúklings erlendis utan sjúkrastofnunar svo og nauðsynlegur uppihaldskostnaður fylgdarmanns skv. 3. gr. greiðist í formi dagpeninga. Dagpeningar fara eftir sömu reglum og gilda um þjálfun, nám og eftirlitsstörf ríkisstarfsmanna á ferðalögum erlendis, sbr. nú auglýsingu ferðakostnaðarnefndar nr. 3/1998 og umburðarbréf nefndarinnar frá 1. júní 1998. Þó skulu aldrei greiddir almennir dagpeningar og einungis greiddur fjórðungur dagpeninga fyrir börn yngri en fjögurra ára og hálfir dagpeningar fyrir fjögurra til ellefu ára börn. Ef fylgd heilbrigðisstarfsmanns hefur reynst nauðsynleg skal hann eiga rétt á greiðslu dagpeninga í samræmi við gildandi kjarasamninga. Ef samþykktur hefur verið ferðastyrkur fyrir báða foreldra (nánustu aðstandendur) barns greiðast uppihaldsdagpeningar að fullu til annars foreldris en að hálfu til hins.

5. gr.

Gildistaka o.fl.

Reglur þessar eru settar af tryggingaráði skv. e.-lið 1. mgr. 33. gr. laga um almannatryggingar nr. 117/1993 og taka gildi 1. nóvember 1998. Jafnframt falla úr gildi reglur tryggingaráðs frá 13. september 1996 um ferðastyrk sjúklinga í utanlandsferðum.

Tryggingastofnun ríkisins, 16. október 1998.

Bolli Héðinsson.

Karl Steinar Guðnason.

GJALDSKRÁ

um sorphirðu í Kelduneshreppi.

1. gr.

Sveitarstjórn Kelduneshrepps er heimilt að leggja á árlegt sorphirðugjald (sorphreinsi- og sorpeyðingargjald), sem er innheimt með fasteignagjöldum.

2. gr.

Gjaldið er sem hér greinir:

	<i>Sorphirðugjald kr.</i>
Jarðir í byggð	4 500
Jarðir sem nýttar eru eða eru með húsnæði sem nýtt er sem orlofshús/sumarhús	4.500
Sumarbústaðir	2.000
Fyrirtæki:	
Flokkur a)	5.000
" b)	15.000
" c)	30.000
" d)	60.000
" e)	120.000

Sveitarstjórn raðar fyrirtækjum í flokka eftir eðli og umfangi starfsemi þeirra og magni úrgangs.

3. gr.

Gjaldskrá þessi sem er samþykkt af sveitarstjórn Kelduneshrepps er hér með staðfest samkvæmt 25. gr. laga nr. 7/1998 um hollustuhætti og mengunarvarnir til að öðlast þegar gildi.

Umhverfisráðuneytinu, 20. október 1998.

F. h. r.

Ingimar Sigurðsson.

Sigurbjörg Sæmundsdóttir.